

河南開封縣志

舊名祥符縣





祥符縣志卷之九

建置志



城池 關門

延聖

開禧

新歲

莊村

坊

表附 市集

前志云豫順以動建置之道也豫州以卦得名而祥符實領羣邑易之順動崑其先焉可謂善言易也今就易而推言王公設險以守其國莫如城池關門為最要上棟下宇取諸大壯宮室次焉師占貞吉兵防又次焉至於街鎮市集亦取日中為市之義坊表附街鎮又以類相從云援明康海武功

祥符縣志

卷九

建置 城池

一

縣志建置志例述建置

城池

府城者宋之內京城也外城曰新城又曰土城今僅存形跡歷代創建修築列左

祥符縣城即開封府城凡以下增建修築祇依歷代本名紀之皆以省以府不以縣懼僭也

唐

建中二年節度使李勉創建汴梁城

五代

周顯德三年增築東京開封府城周四十八里二百三十三步



宋

建隆三年廣皇城東北隅開寶元年增修京師開

府城

大中祥符九年增築京師外城

天聖元年增修京師外城

元豐元年重修京師外城

政和六年改修京師外城周廻五十里一百六十五步

宋史舊城周圍二十里一百五十五步東門二北

曰望春南曰麗景南門三中日朱雀東曰保康西

祥符縣志

卷九 建置 城池

二

曰崇明西門二南曰宜秋北曰閭闔北門三中日

景龍東曰安遠西曰天波以上宋初仍梁晉舊名

至太平興國四年改名新城周圍五十里一百六

十五步南門三中日南薰東曰宣化西曰安上東

門二南曰朝陽北曰含輝西門二南曰順天北曰

金輝北門四中日通天東曰長景次東曰永泰西

曰安肅汴河上水門南曰大通北曰宣澤汴河下

水門南曰上善北曰通津惠民河水門上曰普濟

下曰廣利廣濟河水門上曰咸豐下曰善利上南

曰永順其後又於金輝門南置開遠門至政和改



修詳見古蹟志宋孟元老東京夢華錄云東都外城方圓四十餘里城壕曰護龍河濶十餘丈壕之內外皆植楊柳粉牆朱戶禁人往來城門皆甕城三層屈曲開門惟南薰門新鄭門新宋門封邱門皆直門兩重蓋此係四正門皆留御路故也南城一邊其門有五正南曰南薰門東南曰陳州門傍有蔡河水門西南曰戴樓門傍亦有蔡河水門東城一邊其門有四東南曰東水門乃汴河下流水門也其門跨河有鐵裹牆門遇夜如闌垂下水面兩岸各有門通人行路出拐子城夾岸百餘丈次

曰新宋門次曰新曹門又次曰東北水門乃五丈河之水門也西城一邊其門有五從南曰新鄭門次曰西水門汴河上水門也次曰萬勝門又次曰固子門又次曰西北水門乃金水河水門也北城一邊其門有四從東曰陳橋門次曰封邱門次曰新酸棗門次曰衛州門新城每百步設馬面戰棚密置女牆旦暮修整望之聳然城裏牙道各植榆柳成陰每二百步置一防庫貯守禦之器有廣固兵士二十指揮每日修造泥飾專有京城所提總其事



按此較宋史畧詳更有互異錄之以備參考

金

正大四年浚汴城外壕

金都城門十四曰開陽宣仁安利平化通遠宜照

利川崇德迎秋廣澤順義迎朔順常廣智元以後

多湮塞

元

至元二十七年修汴梁城

明

洪武元年重築河南省開封府城

祥符縣志

卷九

建置  
城池

四

自金迄元汴梁外城毀內城存洪武元年取汴梁

路改爲開封府置河南省於此始內外甃以磚石

設衛守之城周圍二十里一百九十步高三丈五

尺廣二丈一尺池深一丈濶五丈門五其東一曰

麗景又曰宋門一曰仁和又曰曹門其南曰南薰

其西曰大梁其北曰安遠各建月城三重角樓四

座敵臺八十四警舖八十一甚稱嚴密

永樂十二年秋八月修開封土城一百六十餘丈

二十年冬十月修開封府城

嘉靖四年太監呂憲重修開封府城



明李夢陽修城碑記云河南省城者宋之內京城也是城也自五代至宋而益備真宗時則更築新城於外今日土城者是也宋亡入金歷元外城毀而內城存我高皇帝定天下也蹕於汴駐焉但遣將北伐於是升汴爲京設衛十有六守焉是故是城也繕之視他城堅發皆甄也然又重甄而城根甄若石八之地八有數尺天順辛巳河灌城乃獨北門陷而是城也自降而爲省也置王府三司又調其十五衛去遂空其四隅斥鹵水國又今百五十年故其城若門雖大勢巍壯而中損蝕者不少

祥符縣志

卷九 建置 城池

五

矣嘉靖元年太監呂公來鎮茲土登城躡樓俛仰者久之仍慨然而嘆曰諺有之曰些小勿補直至尺五是城也乃今修之費猶省也夫門者城之喉樓者門之冕也城修宜自門始於是集三司長暨庶尹羣吏議城事已又謀之撫按之臣僉曰入衆者占之人舉大事者審乎時事莫大於城城非大動衆不集今兵饑疫癘我民未和記有之曰因天事天因地事地度時未若占人人今靡和其何城之爲呂公曰嗟天下不有惠而不費勞而弗怨者乎是城也先其五門及西門關土城若門計費



萬金耳今無礙帑金若干斤更稍稍益之便足矣  
夫汴舊京也游食者夥饑則歸之益衆城之役計  
計日傭之菜色可活而亡命可收也如是則不動  
衆而大事集矣僉曰竊又聞之事無巨細人存則  
行是城也前修之者屢矣然上侵而下漁費倍而  
效寡又土木之役破除易而稽察難呂公曰嗟利  
弊由人耳苟子之不欲雖賞之不竊余嘗奉命修  
京之東門矣人無玩心上無耗財是城也舉動不  
中厥惟予咎於是巡撫都御史何公巡按御史王  
公清軍御史喻公暨三司長稔知呂公賢又計帑

金得十之六七會又有東寇閉城而門之樞朽鏤  
葉爛脫於是僉議始同而城之役興矣是役也始  
於東門程能計日經費節力獎勤黜惰勾稽有簿  
大持小維工傭稱事執信布義聽其自來凡城之  
材礪鍛甄堊木石樵炭膠角顏采皆公市平取官  
靡告困民罔知勞一門旣一門繼五門旣土城若  
門繼行之有序匪棘匪紆革之仍之各適厥中於  
是撤朽剝蝕植頽築虛凸凹宗鬻濬淺䟽塞遠而  
望之樓櫓翬赫粉堞煥如堅者屹屹深者鬱鬱直  
者律律橫者翼翼迫而察之石楣鐵樞虹梁臥衝



隍塹縈輪蓋一夫當關萬夫莫前者也登而覽之  
嵩行失險大河奪色俯而視之司府填委倉庫充  
實旌檠甲冑周廬是嚴足以域民威暴壯氣助武  
然計之則費省要之則功倍斯何也所謂事無巨  
細人存則行者也巡撫王公巡接喻公清軍戴公  
之來頗亦異同於斯城及見呂公賢乃亦咸相於  
厥成乃呂公則愈心於城事時時出督勞之曰嗟  
爾官爾工爾備毋欺毋玩毋自阱爾躬是故一門  
成則盡徙其餘於他門卽拳石塊礫寸鐵尺木儼  
杵壞畚無妄棄者汴之爲水也出城則甘於是呂

公周覽而嘆曰嗟設卒有寇至小門扃大門鑰乘  
障之士矐睥之子手磨之吏渴也奚救之矣乃默  
禱於門穿六井皆甘是時布政左使劉公右使宋  
公實經厥費按察使張公都指揮徐公贊畫爲力  
乃僉議伐石爲碑樹之南薰門月城亭焉以紀實  
詔來且張城大修之本也城門故各有廟是役也  
亦各新之而嚴其祀或問李子曰先王之建都也  
必城焉急然孟子則云固國不以山谿之險何也  
李子曰斯惡夫專事地者也非天不生非地不形  
非人不成是故先王之爲治也內外交飭本末具



修順時豫防設險爲固人民雖和守戰是憂故曰重門擊柝以待暴客故城者民之扞也障內而嚴外者也雖然詩有之矣赳赳武夫公侯干城又曰宗子維城故不天則悖不地則害不人則空故人者本也孟子所謂地利不如人和者也善爲治者本末外內交飭而共修可也故書之

萬歷二十八年巡撫曾如春增建敵樓

明陳所蘊增建敵樓碑記云河南行省治大梁大梁故宋建國地其城卽宋內京城周可二十里而遙蓋藝祖仍周舊無所恢拓眞宗朝始更而大之

祥符縣志

卷九

建置  
城池

八

爲四十里則今外土城云外城久傾圯僅存故址內城以甃石故獨完好萬雉雲連屹屹言言望若列嶂壯都會也惟是敵樓闕如所從來久更於茲土者後先得代去置不問未有議及創建者歲萬歷己亥臨川曾公以大中丞節鎮撫兩河建牙其地一日偕藩臬諸大夫行城四顧而嘆曰城以衛國樓以翼城匪直爲觀美也緩急世所時有敵壘在郊惟是守望爲兢兢受兵登陴之士勢不能不踐更番休蓐食於是焉在且也晝堪終日暴雨宵堪竟夕蒙霜露乎風雨不時至能任其漂搖淋漓



乎矢石之彈射將坦腹而受不一趨避乎不待敵人攻我我業已坐而自困矣卽金城千里何爲是當亟議早圖者顧安所得金錢爲營度費於時方伯姚大夫進曰明公爲一方計深遠不佞敢仰承不腆筦庫所積奇羨若而金計足充聚材鳩工用旦夕俟命毋徒爲中奄攫取以歸尾閭中丞乃大喜過望謀於部使者東明崔公崔公良以爲然卽日命官董事不踰月告成矣嗟乎大梁地四衝東接齊魯南走芒碭淮泗西隣秦晉北抵韓趙南界蘄黃襄郢地勢平行無重岡複嶺爲界限四方有

祥符縣志

卷九

建置  
城池

九

變禍未有不中於梁者梁之地勢固戰場也方今天下雖陸讐水慄無敢尋曠林之戈弄潢池之兵窺左足而先發者庶幾可幸無事顧自採金權稅之令下而四方小民莫必旦夕命迫而思動憤而思逞斯亦厝火積薪之日也一旦禍變勃發駭而圖之其能及乎齊侯伐魯圍成季孫叔孫帥師城成春秋書之以志譏經國者不能先時修備敵人臨境而後議版築嗚呼晚矣茲樓之建所謂未雨而徹桑土未濟而懷衣裯者也始事於某年月日竣工於某年月日麗景門直抵仁和門而止凡若



干楹費國官損役靡農妨睥睨相接采摠相望樓  
桷相直丹堊相耀如翼如堂斯棘斯革樓旣成大  
夫相與落之登樓四望太行嵩室居然在几案間  
大河湯湯僅如衣帶城之大觀於是乎備矣事固  
有先聲而後實者斯臺斯樓成若增而崇若埤而  
厚固先事伐羣不逞之謀而預寢其匪茹窺伺之  
志異日者父老子弟攬城自守時計必追頌中丞  
方伯永賴不朽功當亦必以不佞之言爲匪誣矣  
附鄭之塗續東京夢華錄記汴城云今之城門有  
五各建譙樓城之外百步許有海濠焉匝城四圍

祥符縣志

卷九

建置  
城池

十

濶數十丈深四五丈東西水門二座閉塞久矣舊  
址僅有存者相傳東京臥牛城三山不令顯五門  
不令相對也城以臥牛名者城枕大河牛土屬土  
能尅水也西城重門相向其牛之首乎直吞河雜  
而來王氣也餘則三四重門轉折而不衝向其牛  
之足乎盤曲臥鎮參差其形惟靜可以制動也城  
外東北堤畔仍有一大鐵牛遙望河澣鎮之是有  
取乎名之也三山者夷門三山在府城之內大梁  
門南有山之形今業已成城矣不謂之山通衢里  
巷夷坦迤衍更不見夫山迨河水入城渰沒有深



至三四丈二三丈者自西門迤邐東來至大爪隅首水僅二三尺深者通藩府東折至山貨街水僅一二尺再東折而北去至土街水不盈尺而止高下起伏觀夫水而從可知山矣去城七八里許有土城僅有土基孔道存焉週圍約四十餘里其門尙有存宋時之名如東南陳州門東北酸棗門而已其北爲陳橋門封邱門衛州門南則戴樓門西則今稱爲鄭門本順天門固子門本金耀門歇茲門本萬勝門水門本利澤門併其名而亦不存矣城之變遷有如此

皇清

康熙元年巡撫張自德布政使徐化成修開封府城  
明崇貞十五年闖賊決河水灌城城內悉爲潦水  
泥沙官民不能棲止署舍悉移外州縣至是雉堞  
一新氣象丕煥各門營建如舊制凡應祀廟宇共  
計整葺六座各守城門房共計修建一十五間始  
移各衙門於省會民居亦鱗集城鄉

二十七年巡撫閻興邦修城樓

三十三年巡撫顧汧重修南門城樓

雍正十二年總督王士俊浚城外壕



乾隆四年巡撫尹會一修開封府城及五門城樓

滿洲城

康熙五十九年建滿洲城西北隅城高一丈蜈蚣架  
全圍五里零一百九十二步

關門附

東關有二一在麗景門外一在仁和門外通南京浙

江山東

南關在南薰門外通四川兩廣雲南貴州舊城窪下  
艱於行旅萬歷三十二年提學吳中明平治之

西關在大梁門外通京師山西陝西

祥符縣志

卷九 建置 城池

十三

北關在安遠門外路渡黃河通山東入京師東路

臨蔡關在縣東南三十里周顯德中濬開河入蔡河  
置關於此今淤土人仍呼其地為關頭

通津關在縣東北埽頭四十里周顯德中疏汴水八  
五丈河置關於此今淤

宮室

行宮

行宮在老府門南十字口西乾隆十六年巡撫失名卽  
撫署地恭建今其街卽名

行宮角



官署

官署屬縣者俱詳載間數餘統轄全省應列通志府志者不載間數祇載名目

歷代縣署

本縣古爲浚儀署在城內宣化坊題曰浚儀縣署晉天福元年徙於崇仁坊周顯德六年徙於城北封邱門外路東宋乾德六年又徙於安遠門外旌孝坊之西景德五年天書見於承天門上有大中祥符三篇遂改縣爲祥符而署另易其題旋燬於金元至治間徙於雲老寺之西至正間又爲兵燬明洪武元年移置按察司東南以元稻田提舉司遺

祥符縣志

卷九

建置  
宮室

十三

址改建三十二年淪於水遂徙建於州橋之北舊察院署成化十八年知縣王志重修凡外門三楹儀門三楹前廳事五楹兩翼十四楹後廳事五楹兩廂各三楹內廡共三十一楹庫依於堂寅賓館在堂之外監獄在儀門之西凡三十六楹旌善申明兩亭在大門各東西戒石亭在儀門內萬歷九年知縣李天麟又建題名碑亭在廳事堦左三十二年知縣王復興又建韓思閣在廳事後崇貞十五年悉遭河水淪沒聽政無地遂移駐河北陳橋鎮時堂廡缺如黃河中阻又移城東埽頭集



曹金縣署碑記云祥符故陳留浚儀地史稱四通  
五達水陸都會是已高皇帝疆理天下罷汴梁路  
署省部縣九十三而祥符隸省會繁號第一何以  
故蓋直指藩臬長諸大夫郡守丞以下羣然分部  
臨之而清戎督饑屯馬權儲恤胥臺省部寺諸使  
者暨四方銜命之士又夙夜干旌相望於道有司  
卽疆有力者率疲於奔命不遑食息小民供億困  
敝從可稽已此猶其正也迺有事關八郡猝然而  
舉往往督具目前則偏之爲累不可勝窮洪武初  
編戶百七十有五逮正統中纔七十年所而耗者

祥符縣志

卷九

建置  
宮室

十四

什二令更百五十餘襍溝壑轉徙殆且過半曷以  
堪事余嘗有慨於中白當途者而所司或引嫌莫  
以狀聞吾恐邑之日削月枯不陵夷邱墟不止也  
今天子隆意民牧銓宰體明德求良吏才得祥宇  
李公來領縣事雅抱左右斯民之志故始至輒問  
民所疾若究今昔登耗之繇而慨焉謹身率先日  
孳孳務寬厚廉平與民休息尤毅然以拯偏庇民  
爲已任一切條注曉然如星日麗天蓋專一子惠  
而非汲汲務名者也甫期月而政成間進父老於  
庭問前令所有聲無所省記公作而嘆曰前事不



忘後事之鑑後之視今猶今之視昔非予之責而誰耶於是過余請記題名余謝不敏而感公之加惠敝邑意蒸蒸厚無窮敢不敬諾余惟太史公表漢將相名氏歲月以詔來者後世師其意爲題名要以彰媿惡示警勸云爾宋司馬文正公紀諫院題名曰後之人歷指其名而議之曰某忠詐曲直嗟乎獨司諫也哉祥邑肇建迄今二百餘年闕而不錄豈賢者日不暇及而否者幸其亡所指與余聞見寡陋爰稽載籍詢故老僅僅得三十六人名氏而歲月宦蹟皆湮遠莫得而詳焉嘉隆來耳目

祥符縣志

卷九

建置  
宮室

五

所睹記惟重慶蹇公理菴之嚴明涪州劉公懷竹之仁恕二公皆約已愛民而民到於今思之其繼今以往涖斯邑而鑒斯石者甯無覩河洛而思禹之心哉夫此一邑也困敝於二百年之久而蘇息於一歲之間且將舉世世而登之衽席之上非公惠之而何余故曰公之加惠敝邑意蒸蒸厚無窮也公諱天麟字仲仁庚辰進士牧馬千戶所籍山

東武定州人

舊志

國朝縣署

康熙三年知縣聶琰修復今治在縣前街凡外門三



楹儀門三楹前廳事三楹兩翼十二楹中後廳事各三楹內廨共四十二楹庫依於堂寅賓館在堂之外監獄在儀門之西凡四十七楹

縣丞署久圯今多寄寓於貢院之右

南岸管河主簿署門一楹廳事三楹內廨八楹

北岸管河主簿署門一楹廳事三楹內廨十一楹

祥陳巡檢司署門一楹廳事三楹內廨八楹

以上三署所在詳見河渠志河員駐劄處

朱仙鎮巡檢司署在朱仙鎮門一楹廳事二楹內廨八楹

祥符縣志

卷九 建置 宮室

六

典史署在縣署大門內東門一楹廳事三楹廂二楹後廳事三楹內廨十二楹

學署歷代俱依學宮崇貞十五年淪於水

國朝知縣孫如林修後圯雍正三年知縣王士俊重

建在明倫堂後廳事三楹各內廨三楹廂四楹南

房三楹乾隆二年知縣張淑載各增學夫舍一楹

王士俊重修學署碑記云雍正二年夏六月士俊

自許州忝以堪劇調知祥符縣事恭謁

文廟畢與學官諸生行禮明倫堂問兩師退食之地則僦屋於外學宮之中無有焉噫亦異矣古者列國



必有泮宮萃黨庠術序之秀而升其中以興道  
育人材誦絃息游之所秩如綽如變古廢學田齊  
鄭始更戰國而秦而漢元狩中董仲舒議興太學  
蜀文翁於是乎遣張叔等詣京師受業博士武帝  
因令天下皆立學至光武則李忠起學於丹陽晉  
則庾亮設學於武昌梁則遣生徒受業於雲門山  
因令立學厥後興廢不常歷隋而唐學乃復立州  
縣生徒各有數元和間有書院之立至宋時有山  
長而范仲淹宋祁請詔州縣立學則是仁宗以前  
尙未徧立也元之各路設儒學提舉又令各立書

祥符縣志

卷九

建置  
宮室

七

院明洪武二年詔天下各立學廩給諸生選名儒  
爲教授學正諸職咸建公署備齋廡俾得誦絃息  
游焉未有以風雨不蔽爲患者我

國家文教聿興幾百年矣今

天子勵精而治樂育英才尤重師儒之選海隅山陬咸  
興學況中州聖賢代出之區開封省會祥符首邑  
而廣文先生無棲託之地何與意者故明所建遭  
流寇決水灌城兵變之後遂不可問歟嘻寒氊首  
窟不安厥處則考德問業校課藝於何從事與公  
廨之不立抑亦令茲邑者之恥也亟捐俸銀一百



二十金集罰鍰得八十金合二百金鳩工飭材凡諸學師屈宋亦殫心竭誠以董其役閱三月畢工得會賓課徒與燕息之室若干楹庖厨溷廁之屬蓋略備而師是邑者庶有甯宇露處無患矣是爲記

再本縣駐劄各署列左

河道總督行臺在北三聖廟東街同治八年總督蘇廷奎建光緒十六年總督許振禕增修

巡撫署在鼓樓西康熙元年巡撫張自德建  
提學署在鼓樓東康熙三年提學張九徵建

祥符縣志

卷九

建置  
宮室

六

布政使署在北土街西大街之中康熙二十一年左布政使徐化成建司屬各署俱隣司署

按察使署在巡撫署西康熙七年按察使李士楨建司屬各署俱隣司署

糧驛道署在布政使署北今名糧道門

管河兵備道署在河道街係舊理刑廳署

開封府知府署在河道後街順治七年知府丁時陞建府屬各署俱隣府署

理事同知署在河道街東康熙五十八年民房改  
清軍同知署在朱仙鎮



下南河同知署在布政司署北順治十四年同知趙時斌建今移住黑堽壩

下北河同知署在陳橋鎮東之十五里小堤

祥河同知署在陳橋鎮

管糧通判署在府署東舊志今無續

滿洲城守尉並各營署在滿洲城

撫標中軍叅將署在城隍廟門東街

左營守備署在城隍廟門西街

右營守備署在城隍廟門西街

武庫在城隍廟門西街

祥符縣志 卷九 建置 宮室

城守營遊擊署在西門大街俗呼前營門以上例詳

通志府志

城守營守備署在舊貢院西俗呼後營門武庫屬焉

再本縣裁去各署列左

總督署今裁卽巡撫署

巡按察院署裁舊在府署東今淤

清軍察院署裁舊在布政使署東今淤

分巡大梁道署今裁舊在按察使署後後移禹州

大梁驛裁舊在縣署西北後移猪兒市今淤

時和遞運所裁舊在時和保後移寺橋南今淤



宣武衛署裁舊在縣署西北今淤

公所

公所隸縣者俱詳載間數餘統關全省應列通志府志者不載間數祇載名目

北門接官廳在北門外大門一楹儀門三楹廳事三

楹抱軒三楹廂廊六楹

曹門接官廳在曹門外大門一楹東耳房兩楹西耳

房兩楹廳事三楹東耳房一楹西耳房一楹兩廂

各三楹

宋門接官廳在宋門外大門一楹東耳房兩楹西耳

房兩楹廳事三楹東耳房一楹西耳房一楹兩廂

祥符縣志

卷九

建置宮室

三

各三楹

南門接官廳在南門外大門一楹東耳房兩楹西耳

房兩楹廳事三楹東耳房一楹西耳房一楹兩廂

各三楹

西門接官廳在西門外大門一楹前廳三楹東廂房

三楹西廂房三楹後廳三楹東耳房一楹西耳房

兩楹兩廂房各三楹

再本縣公建各所列左

萬壽宮在老府門北雍正十二年總督王士俊建

王士俊恭建



萬壽宮碑記云

皇上御極之十有二年乾曜光華坤符炳煥是年正月  
元朔立春歲月日時俱會於攝提格此自章節紀  
元以來未有若斯之弘庥肇啟上瑞翕臻者也蓋  
寅屬人生之義主

人君萬壽易曰天地之大德曰生聖人之大寶曰位非  
其旨與而豫省之建

萬壽宮以爲祝

釐之地者於是乎告成夫豫省

萬壽宮何以至斯時而告成哉豫居天下之中開封又

祥符縣志

卷九

建置  
宮室

三

居豫之中四時所交風雨所會陰陽所和陳圭置  
臬占紫氣之燭霄絳闕彤庭繞黃雲而作蓋宜倡  
率以爲天下先何以至斯時而告成哉蓋向者常  
循風例恭遇

聖節屆期謹於寺觀及貢院內設

黃幄陳

御鑪列庭燎序班位非不肅肅雖離而究於其地不專  
其地不專則其心亦不安矣雍正十一年癸丑春

臣  
士俊恭承

皇上寵命履河東總督之任孟冬恭祝



聖壽仍在大道宮揆之愚忱竊以爲臣子仰報

君父莫大乎忠愛之心而忠愛之至有過於虎拜稽首

天子萬年者乎前歷任粵楚俱各建有

萬壽宮巍巍乎郁郁乎志益以壹儀益以整中州係腹

心闔闕何遲之久而未及也意者神臯奧區有待

今歲之

景運允隆

昌期彌泰而後成斯嘉會樹乃宏圖耶於是士俊率藩

臬以下諸吏環相成中慎選方域則有包坱圠之

形孕淑清之氣於西北隅實獲基址高敞氣象巍

祥符縣志

卷九 建置 宮室

三

莪且在卦位爲乾洵莫踰於此闔省庶司聞之爭

獻常祿之贏以爲鼎建之藉恭擇雍正十一年季

冬經始庶民子來百工麇集歡如雷動喜如川至

繪圖難摹磬鼓弗勝踰四月竣事其前拱以牌樓

一座黃金榜題曰

萬壽宮少進爲五雉端門門以內爲馳道長一百八十

丈表以坊曰嵩呼兩旁環以碧沼若蓬瀛焉沿邊

植以嘉樹中央護以穹垣分雙掖門而進爲修廊

循修廊而進爲官員廳由官員廳而進爲朝房東

西向外砌文磚爲九拜之所由朝房而進爲經房



各南向內供象教爲讚福之所中爲階陛凡兩層  
計六十四級

御道悉係蟠螭鏤珉上爲平臺平臺之上爲

御座正殿玉龍纏棟金鳳摩雲僊人在戶太乙臨窓周  
施玳瑁之椽徧覆琉璃之瓦所謂開九天閭闔萃  
萬國衣冠者也凡夫析圭僭爵之臣橐簡囊毫之  
士山農石戶之耆輪驅蹄走之旅飲天之和食地  
之毛圓顛方趾含齒戴髮林林總總數不能紀名  
不能悉者莫不依日月之末光望雨露之餘澤油  
然勃然以歌以舞蓋合豫中之億萬口如一口億

祥符縣志

卷九

建置  
宮室

三

萬心如一心矣

士俊伏見

皇上加惠豫州蠲賜數行滲漉日深汪濊無涯也如此  
豫人之尊

君親

上樂事勸功不介而孚不作而致也如此復率藩臬以  
下諸吏拜手稽首而颺言之曰夫豫省建

萬壽宮實有獨盛於他省者此非侈言之也蓋敬稽天  
文地輿徧考帝德王功殆推之千載而合叅之四  
海而準矣請析陳之窮天之垠分野所徧司也而  
豫省獨以角亢耀於省會攷諸唐天文志角亢非



壽星乎壽星炳於

萬壽宮所謂玉井金波映蒿柱貝宮之采鈞陳華蓋擁  
帝車珠斗之祥此其獨盛者一也統地之軸名山  
所悉鎮也而豫省獨以嵩嶽峙其南境考諸漢史  
嵩嶽非三呼萬歲之地乎三呼環於

萬壽宮所謂玉膏石髓與太室而俱長四栢三花同崧  
高而偕永此其獨盛者又一也顧尤有超軼焉者  
夫自鴻濛旣闢溟滓劃分五帝三王或建都或巡  
歷亦未有如豫省之迭興而彙聚者也粵稽上古  
庖犧氏都於陳矣神農氏初亦都于陳矣黃帝都

祥符縣志

卷九

建置  
宮室

三

于軒轅之邱今新鄭是也帝嚳都於亳今偃師是  
也載稽中古堯舜遊首山歷河渚五老來告河圖  
係今河南府界而龍門禹績所先穀熟成湯所宅  
西伯詩謠徧於南牧武王定鼎營於洛都此皆具  
神聖獨懋之德弘開物成務之功躋邽隆昇平之  
治而又得天者厚稟氣者淳歷年最多在位最壽  
此尤豫省獨見其盛者也三代以下遼哉邈乎洪  
惟我

朝

列聖相承泰麻屢協我



皇上丕紹鴻基

昊天有成命固已久矣所以

皇上首出庶物敬承

天

祖斯乃庖犧之觀天文啟苞苻也

皇上軫念民依詳籌衣食斯乃神農之制耕稼治布帛

也

皇上文德雍容武功赫濯斯乃黃帝之立制度征蚩尤

也

皇上虔脩祀典雨暘時若斯乃帝嚳之候日月僎鬼神

祥符縣志

卷九

建置  
宮室

三

也

皇上恩蟠兩大澤普九垓斯乃帝堯之光被四表格於

上下也

皇上崇儒重道澄叙官方斯乃帝舜之建學養老知人

善任也

皇上宵衣旰食恤刑慎獄斯乃大禹之常惜寸陰下車

矜罪也

皇上朝乾夕惕謹小慎微斯乃成湯之昧爽丕顯銘盤

自警也

皇上聖度謙冲睿算精密斯乃文王之如傷未見武王



之不泄不忘也是以

龍飛御極以來日月合璧五星聯珠黃河澄清醴泉騰涌慶雲屢見甘露頻凝鳳凰和鳴麒麟降生靈芝著草瑞穀嘉禾不能縷述而今歲四寅尤爲罕遇蓋我

皇上合庖犧神農黃帝帝嚳堯舜禹湯文武之聖以爲聖所以亦合庖犧神農黃帝帝嚳堯舜禹湯文武之瑞以爲瑞而又卽合庖犧神農黃帝帝嚳堯舜禹湯文武之壽以爲壽此理之固然事之無可疑者而皆于豫省之

祥符縣志

卷九

建置  
宮室

三

萬壽宮丕昭其驗矣則夫獨盛于他省者豈侈言哉矧今

萬壽宮之成又成于元朔協瑞之歲所謂天開于子地關於丑人生於寅更由庖犧溯而上焉凡天皇氏之壽地皇氏之壽人皇氏之壽皆享億齡萬載而有餘綿綿遠遠悉爲我

皇上備之然則

萬壽宮之有待而成也亦其宜矣宮之旣成試循繚牆而旁矚倚文城以延眺北拱

神京不越咫尺焉其東則泰山寶策之府也其西則



華山蓮華之峰也其南則衡山太虛之洞也瑞烝周遭神山環護斯所以居天下之中而獨爲可貴也抑士俊又聞之豫者樂也汴者怵也自

萬壽宮旣建將見大樂與天地同和而不僅鐘鼓之韻大禮與天地同節而不僅拜跪之交秀士朴農順帝之則四時之序益交風雨之澤益會陰陽之氣益和安享太平永永無極仍倡率以爲天下先可矣而又何遲之有藩臬以下諸吏俱以爲然請壽諸石遂恭紀之董其事者候選知州管理河南塘務事周文德著有勞績例備書

祥符縣志

卷九

建置  
宮室

三

常茂徠記云

龍亭卽明周藩府在今城內老府門街北名老府門者沿舊稱也

國朝雍正十二年總督王士俊於此建

萬壽宮故名龍亭其街名午朝門街王碑已佚文載邑志舊志不及見紀所見者前有牌坊一座上書拱岳帶河嘉慶五年巡撫馬慧裕書十七年督學姚文田改書萬壽無疆坊前大石獅一對座淤沒以石尺度之獅身高九尺北宋物也北二里許兩傍積水一望無際皆宋明時宮殿廢址有人於此創



古器物正北向南三間一開朱戶九釘九帶上覆黃琉璃瓦黃土塗牆四周朱柱飛簷進大門當中大照壁高二丈亦黃土塗飭壁中啟門內外俱朱柱丹簷上覆黃琉璃瓦夾壁東西兩掖門過此有東西廡各五間俱大厦崇簷正北高處卽龍亭仰望如天梯石磴兩傍青石闌干當中螭龍盤繞嘉慶間中建真武殿三間隔斷自下而上歷十五級至真武殿過殿復歷四十七級至極頂下視約高六七丈上建黃琉璃殿九間基高五尺石階七級廡山轉角重簷四覆周遭朱柱如遊廊內供

祥符縣志

卷九

建置  
宮室

三

皇上萬歲位殿外臺基四周繞以花牆迤東一門由此門東去迤邐而下立土爲山山半向南有甄洞三一洞封閉兩洞陷石六方刻萬壽宮告成詩賦一

署總河臣朱

名

紀一署開歸道臣張建德紀一署

開封知府臣劉湘紀一署祥符知縣臣張受長其二石字漫漶不可辨俱雍正十二年立真武殿左側平地有呂仙殿三間乾隆三十八年重修祥符歲貢生段有源撰記府學生員傅克仁書呂仙殿東南火神殿三間傍立五岳真形巨碑碑陰巡撫馬慧裕叙并書卽嘉慶庚申歲立於龍亭上者督



學姚文田移此又東圍牆外路側有鑄鐵柱一出地三尺許圍約五尺如出水蓮蓬齊頭縱橫作十字坎四面望之形如凹字四隅各陷鍛鐵一方以石擊之各爲一聲歷風雨不繡不蝕未知何物自道光二十一年黃河決口水浸入城龍亭左右水深丈餘此物淤墊僅露其頂爲斥鹵侵蝕大半損傷玩其形勢似於上安十字木作水亭者道光二十五年二月十九夜大風從東北來聲虺虺如雷將黃琉璃殿吹倒棟折椽崩俱滅瓦礫祥符合某作六棱山亭於其上自下望之如錐卓空際咸豐六年布政使瑛榮復改建琉璃殿九間前後屋宇俱重修仍舊制云

祥符縣志

卷九

建置宮室

三

按明周王府大門在老府前通東西門之十字口

當時石獅卽在此後移今地

後抵今之駐防營左爲東華門

今東

華門街

右爲西華門

在今磚橋

以今街道計之自西大街

路北以北駐防營以南三聖廟前街北抵北城以西磚橋北抵北城南抵西大街以東皆府地也周圍宮牆一道以蜈蚣架鎮頂勢極崇峻今家廟街卽府內家廟地馬糞坑乃養馬處輦子街乃停輦處蔡衙衙乃菜園其餘宮殿廊廡不可勝計詳如夢錄自遭水災屋宇盡圮



國初以其地建貢院後改

萬壽宮又改萬壽觀從此遂爲神廟而今人但呼爲龍  
廷其前街曰午朝門街鮮有知爲萬壽觀者

貢院舊在今龍廷地方以地勢窪下雍正九年總督  
田文鏡移建城東北隅上方寺南

覈學卽開封府試院在府文廟西偏創建失考康熙  
四十五年開封知府徐而泰重修道光十七年巡  
撫桂良布政使朱澍重修

重修大梁試院記云直省試院皆在節署豫省節  
署地狹因以覈學爲試院在開封學宮西偏其地

祥符縣志

卷九 建置  
宮室

三

舊係游梁書院改建明倫堂尊經閣是謂覈學每  
歲科兩試及郡縣皆校士其中自康熙四十五年  
徐太守重修試院百有餘年矣大梁省會興賢造  
士而試院顧聽其頽壞其何以考校士耶且風雨  
燥濕之不時而聚千百士子於其中又何以庇寒  
暖也道光甲午督學滇南趙公視學中州以冰玉  
顏其堂按臨開郡觀號舍牆宇頽圯惻然者久之  
試竣與中丞桂公方伯朱公定議捐修丙申秋九  
月經始丁酉夏五月落成大門儀門公堂東西號  
舍內外廂房後堂一切煥然改觀移尊經閣碑碣



於堂後其規模較舊試院爲恢廓焉費制錢七千  
緡五百有奇合郡官民樂觀厥成爰勒諸石以垂  
不朽云

校場在滿洲城西

以上例詳通志

河防局在三元街

營務處在撫院署內

釐稅局在後第四巷街

支應局在相國寺後街

保甲局在東司西大街

祥符縣志

卷九 建置  
宮室

三

發審局在開封府署內

忠節局在藩署內

水利局在保甲局內

軍裝局在縣西角

火藥局一在鐵塔寺街一在校場後

七廳公所在北三聖廟西街

候審公所在理事廳門街

人証公所在學院門街

自新公所在學院門街人証公所內

再本縣裁去各公所列左



舊貢院在老府門北卽周王府基

皇華館在大梁門外今淤

織染局在縣治西北今淤

巡按積穀倉在縣治西南今淤

布政司小惠倉在縣治西南今淤

雜所

惠民藥局在州橋上今淤

明李濂施藥亭記云嘉靖庚申春二月開封郡守  
衍齋周公立惠民藥局於天漢橋之上工既定乃  
饗祀岐扁太倉以來諸醫師而落之其寮屬僉謂

祥符縣志

卷九

建置  
宮室

三

公舉久廢之政以利民宜紀其事於貞石以垂示  
久遠乃問記於濂記曰開封舊有惠民藥局肇建  
於洪武甲子至成化弘治間每歲取濟源縣香錢

且辦藥品施濟窮民法至善也後改爲臬司

而局遂廢藥亦不復施久無議舉之者自公

之下車也適大水爲虐民病滋甚而城中積水橫  
溢滄浸民廬至不可以居公相度地勢乃得其故  
蓋汴河貫於城之中比歲湮塞水無所洩公下令  
開濬之水得通流而天漢橋飛虹百尺雄跨汴河  
之上實爲一方勝槩橋之東舊有神廟狹隘湫



陋靡堪安靈公仍故處改建神廟三楹丹碧黝堊  
煥然一新乃於橋之西肇建惠民藥局而高廣與  
廟埒云公復清查郡治前官地民之僦厫者歲可  
得白金若干置辦藥品足供一年之需而濟源縣  
之香錢弗之取也爰命醫官楊孟賢等典其事日  
施砭劑以濟貧民之病者議既定乃白其事於巡  
撫臨溪張公巡按月巖孫公暨藩臬諸公咸嘉允  
之抑是局也路當通衢民往來絡繹弗絕凡抱病  
而至者咸集柵外而內外科各司其專業診脈叩  
原對症役藥疾者瘍者皆有所賴坐使四境之民

祥符縣志

卷九

建置  
宮室

三

咸登於壽域公之陰德及於斯民者可勝記哉按  
周禮疾醫掌養萬民之疾病四時皆有癘疾而疾  
醫領之今內科之所司者是已瘍醫掌腫瘍潰瘍  
金瘍折瘍祝藥副殺之劑今外科之所司者是已  
司救凡歲時有天患民病則以節巡國中及郊野  
而以王命施惠今之施藥以救貧病者是已我

皇上子惠困窮仁恩洽於四海輦穀之下累歲施藥普  
濟羣生天下臣民傾心愛戴公仰承德意施藥於  
郡中然窮簷蔀屋之下荒村僻壤之氓多有疾病  
纏縈卧於牀蓐或竟夕呻吟或經旬痛楚欲求醫



藥苦乏購資一聞施藥之令咸扶掖而起迤邐而來望州橋而引領懷藥裹以言旋莫不感荷皇仁謳吟善政權忻鼓舞於道路之間者蓋千萬其人也昔范文正公自謂不爲良相則爲良醫其志蓋欲濟人利物云爾公受命領郡綱紀一方有相之責矣施藥活人效醫之能矣一民疾病則曰我病之也一民夭折則曰我斃之也不亟起之何以子之不亟瘳之何以休之心禹稷憂世之心而廣岐扁回生之術良相良醫兼而有之矣程伯子曰苟存心於愛物於人必有所濟公之謂也公嘉績著

祥符縣志

卷九

建置  
宮室

三

聞超遷伊邇尙賴後之君子謹視而卽修舉之則闔郡生民之利甯有窮乎公名爻字易夫蜀之宜賓縣人甲辰進士祥符縣知縣王堂全立石

寶河錢局在縣文廟東北咸豐四年巡撫英桂建內分生財有大道爲政在得人十號每號爐百坐鼓鑄當百當五十當十三種大錢明年春以錢不流通停鑄今淤

僧會司舊在田公祠今在鼓樓關帝廟

道會司舊在城隍廟今在金龍四大王廟

陰陽學舊在縣治西今移大坑沿街



醫學舊在縣治西今淤

政先堂卽養濟院在察院後街今淤

普濟堂有二一在陳橋一在朱仙鎮

育嬰堂舊在第四巷今名普育堂在黃大王廟街

保節堂在北門大街

庇寒所在南門大街

樂善局在行宮角南

永善局在忠親王祠

修善局在東火神廟

東穆藹堂在朱大王廟內

祥符縣志

卷九 建置  
宮室

三

西穆藹堂在城隍廟西街

和春施藥局在對塔廟街

兵防

宋

汴梁之兵莫盛於宋史所謂太祖鑒前代之失萃精  
銳於京師是也樞密院計開寶之籍總三十七萬  
八千而禁軍馬步十九萬三千至道之籍總六十  
六萬六千而禁軍馬步三十五萬八千天禧之籍  
總九十一萬二千而禁軍馬步四十三萬一千慶  
歷之籍總一百二十五萬九千而禁軍馬步八十



二萬六千治平之籍總一百十六萬二千而禁軍馬步六十六萬三千熙甯以後又詔增設各營指揮祥符京縣也當日兵數之盛可知

金

天德二年開封府置立統軍司開封縣鎮一曰延嘉祥符縣鎮三曰陳橋曰八角曰郭橋各屯重兵

元

太祖時以蒙古探馬赤軍列大府以屯祥符延祐四年又以汴梁設立行省之地調山東河北蒙古軍河南淮北蒙古軍兩都萬戶府軍一千人以益之

又泰定四年奏許隣近萬戶府調撥砲手弩軍與之

祥符縣志

卷九 建置 兵防

三

明

明初太祖駐蹕祥符設衛十有六後祇留宣武一衛下有千戶所百戶所又於卿廟里總簽點民壯以司防守周王府護衛不隸尺籍然省會額兵不滿千數後因流寇窺汴始設援勦總兵官一員領京營兵六千赴祥符調發

皇清

祥符舊沿明制設掌印都司一員順治十三年裁并



裁宣武衛其城守營原設開歸河南總兵官一員  
順治十三年改副將一員都司守備各二員康熙  
元年裁副將并裁都司守備各一員今將本縣現  
在城守兵制列左

本縣城守 卽開封營

都司僉書一員守備一員經制千總二員外委千  
總一員經制把總三員外委把總四員內經制把  
總一員駐防朱仙鎮餘千總把總各分防協防他  
縣

兵丁八百七名內馬兵一百四十八名馬一百四

祥符縣志

卷九 建置  
兵防

七

十八匹守兵六百五十九名

歲共支俸餉馬乾等項銀一萬三千八百一十二  
兩五錢共支米二千九百五石二斗官馬一十八  
匹共支乾銀二百五兩二錢

本縣分防

城內巡防凡九處曰

萬壽宮曰老府門曰鑼匠口曰魚市口曰布政司前曰  
猪市口曰鴻影庵曰三聖廟東曰三聖廟西每一  
處守兵四名各署有倉庫刑獄關係者巡防凡五  
處曰布政司署曰糧驛道署曰管河道署曰司獄



司署曰祥符縣署每一處守兵九名巡撫署東西南北四隅及西中隅另有衛兵

城外巡防凡十二處曰赤倉集曰高廟曰埽頭集曰曹家寨曰唐李口曰陳橋曰清河集曰榆里集曰黃陵集曰大村集曰太平堰曰朱仙鎮每一處守兵二名

城上巡防凡八處曰一堡曰二堡曰三堡曰四堡曰五堡曰六堡曰七堡曰八堡每一處守兵三名城下巡防無定處守兵四名城守營派官一員往來稽查又城西北角積沙浮滿地方空濶與滿洲

祥符縣志

卷九 建置 兵防

防禦城相近亦建堡房二座滿兵六名巡防城守尉派官一員往來稽查城門巡防每一門一處五門共五處每一處官一員守兵四名城門外巡防亦五處每一處官一員守兵十名

本縣墩臺

以前略封土墩乾隆三年知縣張淑載現設烟墩望樓

墩臺凡十八座曰宋門關曰屠府墳曰太平堰曰南關曰蘆花堰曰仙人庄曰老范店曰王官墳曰朱仙鎮曰閻店曰西關曰毛家寨曰大營舖曰北關曰老劉店曰大新庄曰新店曰董家堤每一處



守兵四名

再駐劄本縣各營列左

提督軍務巡撫一員標下左右二營左營遊擊一員守備一員千總二員把總四員右營遊擊一員守備一員千總二員把總四員康熙三十四年裁遊擊一員以遊擊一員兼管二營雍正二年巡撫田文鏡授河南總督六年加河東總督改遊擊一員爲督標中軍副將兼管二營雍正十三年裁總督專設巡撫照雍正八年巡撫中軍改參將例以副將改參將馬步兵丁共九百六十六名例祥通

祥符縣志

卷九

建置  
兵防

三九

志

再駐劄本縣滿洲各營列左

城守尉一員筆帖式二員佐領十員防禦十員驍騎校十員兵丁共八百名例詳通志

滿洲城在府治北高一丈圍五里零一百九十二步內官廨六百間營房二千五百二十間康熙五十九年新設城守尉一員左右筆帖式各一員

乾隆

二年奉恩騎尉一員前後蒙古佐領各一員防禦

各一員驍騎校各一員八旗佐領八員防禦八員驍騎校八員經制兵丁八百名弓鐵匠各十名官



馬一百九十八匹兵馬二千四百疋歲支俸餉米折馬乾等項銀十五萬五千零自乾隆二十二年奉

旨歸併巡撫節制

詳見豫乘識小錄

### 街鎮表

縣前街在

縣治前 第一隅

縣前街

舊名縣門街

前馬號街

縣後街

舊名包頭街

外馬號街

縣東角

舊名相國寺橋

魚池沿街

縣西角

舊名周橋

更道街

### 祥符縣志

#### 卷九

建置街鎮

罕

相國寺前街

財神殿街

相國寺後街

吹鼓臺街

老五龍宮街

藥王廟街

新五龍宮街

東百子堂

黃大王廟街

西百子堂

黃大王廟街

南門大街

南泰山廟街

坊子街

前第四巷街

行宮角

後第四巷街

木廠街

對塔廟街

惠衢街



袁坑沿街

鼓樓街

牲口市街

馬道街

胭脂街

鶉鴿市

胭脂河街

袁宅街

鐵佛寺街

打線街

青龍背街

爐坊街

宋門街在

縣治東 第二隅

宋門大街

馬神廟門

舊名塌坊街

理事廳門

清真寺東西街

南書店街

南土街

祥符縣志

卷九

建置街鎮

聖

蔣公祠街

河道街

鹿公祠街

洪河沿

學院門街

仙人巷

文殊寺街

順河街

三眼井街

羊市街

二道街

穆家橋

黃家街

吳勝角

醬醋街

都宅角

油坊街

倉房街

會館街

半截街



啞叭衢街

蔡河灣

袁坑沿東街

老君堂

前炒米衢街

崔角

後炒米衢街

棗園

鐵娘娘廟街

挑經教衢街

南三聖廟街

皮場公衢街

曹門街在縣治東北第三隅

曹門大街

燒鷄衢街

中興隆街

庫廳衢街

東興隆街

綉球衢街

祥符縣志

卷九

建置街鎮

望

西興隆街

東嶽廟前街

圈神廟街

東嶽廟後街

香椿園街

火神廟前街

祖母廟街

火神廟後街

泰山廟街

姜太公廟街

三義廟街

小轆轤灣街

七神廟街

南劉府衢街

五聖廟街

北劉府衢街

眼光廟街

二道橋

土地廟街

石牌坊



東聚奎巷

雙龍巷

南聚奎巷

老官街

當舖衚衕

石橋口

狀元衚衕

頭道街

屈家衚衕

二道街

翟家衚衕

三道街

侯家衚衕

猪市街

舊名珠市

王家衚衕

雙井街

舊名雙井衚衕

土街在縣治東北 第四隅

北土街

如意齋

祥符縣志

卷九

建置街鎮

三

北興街

東司門

府前街

東司東街

府東角

東司西街

府西角

大王廟衚衕

徐鑑街在縣治後 第五隅

徐府街

魯班廟後街

徐府坑

山陝會館西衚衕

鑛匠口

黑墨衚衕

山貨店

五福街

舊名五府街

老府門

草三亭

舊名鳳凰巷



魚市口

北書店街

杏花園

西門街在  
縣治西北 第六隅

西門大街

大興街

西坊子街

大廳門

經奎巷街

前營門

小旗纛街

板橋街

興隆庄街

磚橋街

孝嚴寺街

駱府街

花堂廟街

院前街

祥符縣志

卷九

建置  
街鎮

四

祖師廟街

半截街

玉皇廟街

弓箭街

城隍廟街

西南坡

文昌廟街

西北坡

靈應宮街

大坑沿

土地廟街

蔡衚衕

舊名  
菜園

琉璃廟街

車衚衕

救苦廟街

富貴庄

北順城街

丁角街

舊名  
家橋

仁義衚衕

皮具街

舊名  
皮局



解元衙街

老府門西街

西大街

城隍廟後街

青雲街

城隍廟衙街

旗纛街

大武廟前街

大武廟後街

大首隅在

縣治西 第七隅

行宮前街

舊書院街

新街口

行宮後街

炮臺街

行宮衙街

太平街

大紙坊街

包府坑

祥符縣志

卷九

建置街鎮

巽

小紙坊街

雷家橋

南保定巷

順城街

北保定巷

折樓口

舊名鐘樓街

前保定巷

營街

後保定巷

龍王廟衙街

機神廟街

龍王廟東衙街

延慶觀街

龍王廟西衙街

遊擊府街

炭廠衙街

中岳廟街

封吉府街

舊名封邱府街

福壽衙街

行宮角



高家衚衕

館驛街

倪家衚衕

半截街

霄祥街在

縣治北 第八隅

午朝門

舊名萬壽宮 亦名周王府

馬府坑街

舊名馬 糞坑街

東華門

馬府坑沿

詳全 上

家廟街

無梁廟街

刷絨街

戲樓後街

打銅巷

老會館街

花井街

捲棚廟街

太平街

三聖廟前街

祥符縣志

卷九 建置 街鎮

吳

文廟街

三聖廟後街

三元街

舊名後 馬街

三聖廟東街

碾子街

舊名輦 子街

馬齒莧衚衕

南京巷

鬻學衚衕

毛衚衕

北陶衚衕

婁衚衕

南陶衚衕

磨盤街

三元宮街

慈悲巷

更道衚衕

覈學後

北門街在

縣治北 第九隅



北門大街

豆腐營街

守道門街

爐坊衚衕

右司館街

鹿角衚衕

都事廳街

更道衚衕

黌學後街

水車衚衕

東棚板街

啞叭衚衕

西棚板街

澡塘衚衕

城坊口街

舊坊街

無量巷街

柴火市

遊梁祠街

龍虎街

蘇符縣志

卷九

建置街鎮

罍

鴻影菴街

雙井街

三皇廟街

聚奎巷

五道廟街

萬柳園

馬王廟街

堂廟街

增福菴街

轆轤灣

財神廟街

井衚衕

延壽寺街

豆牙街

關帝廟街

王道正直街

土地廟街

半截戲樓街

夢神廟街

阿彌陀佛廟街



九神廟街

舊名九聖廟街

右列在城各街均今存者若縣前隅之王解元胡同陳留胡同太平街宋門隅之錢局院坑石盤柱史清廠燕家胡同土街隅之熊家園曹門隅之東河溝小倉西門隅之大小瓜隅首楊家湖安昌府板陳家橋上雜府舊縣學蓆店大首隅之觀音堂殺猪巷洪山廟興隆巷大小井倉角書院御史靜安汴河新大道宮門霄祥隅之棚場司後仁和後宰門北門隅之大佛回龍營房青龍義和羅家胡同各街有舊有今無或名存地湮概置不列

祥符縣志

卷九

建置莊村

哭

東鄉在縣城東

第一二路

曹門關所管莊村自曹門關至大花園共二十二處  
宋門關所管莊村自宋門關至屠府墳共二十五處  
邊村所管莊村自邊村至李家樓共一十三處  
焦橋所管莊村自焦橋至寇家寨共一十六處  
盤石所管莊村自盤石至小孫莊共一十八處  
馬家店所管莊村自馬家店至劉家集共二十一處  
程家寨所管莊村自程家寨至楊家寨共二十一處  
埽頭集所管莊村自埽頭集至車家莊共八處  
尚陽店所管莊村自尚陽店至蘭陽寨共一十五處



西鄉在縣城西路

虎墾坡所管莊村自虎墾坡至傳流寨共二十八處  
招討營所管莊村自招討營至孫家莊共一十處  
杜良寨所管莊村自杜良寨至亂塚共一十八處  
興隆集所管莊村自興隆集至高家寨共二十九處  
南神墾所管莊村自南神墾至尙家寨共二十八處  
王政屯所管莊村自王政屯至後胡墾共二十六處  
太平墾所管莊村自太平墾至小劉莊共二十七處  
楊墾所管莊村自楊墾至小王家莊共一十五處

祥符縣志

卷九

建置莊村

兕

西門關所管莊村自西門關至孫柳堂共二十二處  
喜臺所管莊村自喜臺至蕭家寨共一十一處

雙河鋪無所管莊村

聶家寨所管莊村自聶家寨至彭家店共一十八處  
于老人寨所管莊村自于老人寨至自家厰共六處  
墾趙所管莊村自墾趙至小新莊共九處

曹家寨所管莊村自曹家寨至史家莊共九處  
青谷堆所管莊村自青谷堆至馬家寨共五處

瓦子坡所管莊村自瓦子坡至王家口共一十一處  
汴河隄所管莊村自汴河隄至潘家店共一十四處  
韓家陡門所管莊村自韓家陡門至板陳家共十處



橫堤舖所管莊村自橫堤舖至後安頭寺共十一處  
八角店所管莊村自八角店至胡家寨共四處  
店李口所管莊村自店李口至油村共一十六處  
關王廟所管莊村自關王廟至北常壩共一十五處  
邢村所管莊村自邢村至南家寨共一十四處  
新城所管莊村自新城至楊家壩共一十五處  
七里墩所管莊村自七里墩至王家屯共二十二處

南鄉在縣城南 第三路

南門關所管莊村自南門關至小王家莊共十八處  
鳳城壩所管莊村自鳳城壩至淺兒河共六處

祥符縣志

卷九

建置  
莊村

五

趙家店所管莊村自趙家店至井劉家共二十二處  
瓦灰郭家所管莊村自瓦灰郭家至雞兒劉家共  
四十一處

西壩所管莊村自西壩至李家莊共二十一處  
閣店所管莊村自閣店至董家莊共一十七處  
水坡所管莊村自水坡至朱練舖共一十六處  
朱仙鎮所管街巷自大板橋至草堂共三十八處  
腰兒舖所管莊村自腰兒舖至徐家寨共一十八處  
張莊所管莊村自張莊至七門共七處

八里溝所管莊村自八里溝至三趙家共二十二處



百尺所管莊村自百尺至趙家莊共一十三處  
小高廟所管莊村自小高廟至楊家樓共九處  
大高廟所管莊村自大高廟至二郎廟共九處  
劉村所管莊村自劉村至賈家寨共一十一處  
黃壩所管莊村自黃壩至李家寨共一十三處  
萬龍壩所管莊村自萬龍壩至張河舖共五處  
周里壩所管莊村自周里壩至小馬家莊共七處  
古城所管莊村自古城至北三里寨共一十四處  
赤倉所管莊村自赤倉至南張天共七處  
關頭所管莊村自關頭至范村共八處

祥符縣志

卷九

建置  
莊村

至

劉御史寨所管莊村自劉御史寨至周家寨共一  
十一處

百畝壩所管莊村自百畝壩至元府莊共九處

老范店無所管莊村

仙人莊所管莊村自仙人莊至魚家店共二處

蘆花壩無所管莊村

蘇村所管莊村自蘇村至唐村共一十一處

北鄉在縣

城北 第四路

北門關所管莊村自北門關至大北壩共二十五處  
老君堂所管莊村自老君堂至回回寨共七處



梅家莊所管莊村自梅家莊至潘家寨共一十處  
朱元寨所管莊村自朱元寨至梁家寨共六處  
北頂集所管莊村自北頂集至張家寨共六處  
魚里集所管莊村自魚里集至丁家寨共七處  
韓羅灣所管莊村自韓羅灣至張家莊共七處  
清河集所管莊村自清河集至邵家寨共六處  
曹壩所管莊村自曹壩至窑務共五處  
杏河頭所管莊村自杏河頭至高家寨共九處  
馬牧所管莊村自馬牧至斷堤共十處  
馬莊所管莊村自馬莊至周家莊共一十一處

祥符縣志

卷九

建置  
莊村

五

二郎廟所管莊村自二郎廟至陶家寺共二十二處  
羅問所管莊村自羅問至官莊共十處

塌河岩所管莊村自塌河岩至王家琉璃寺共九處  
孔家堂所管莊村自孔家堂至小張家莊共十一處  
半截堤所管莊村自半截堤至小馬圈共二十三處  
桃園所管莊村自桃園至小胡家莊共九處

丁家莊所管莊村自丁家莊至范家灘共八處  
董家堤所管莊村自董家堤至閻家寨共九處  
白村集所管莊村自白村集至邢家莊共二十一處  
新店所管莊村自新店至北母寺共十處



平邱集所管莊村自平邱集至圪墘張家共六處  
柿營所管莊村自柿營至杜家寨共五處

黃陵集所管莊村自黃陵集至高村共十處

王蘆集所管莊村自王蘆集至李家堤共九處

婁堤所管莊村自婁堤至姜家莊共十處

李興集所管莊村自李興集至前尹家寨共十五處

官屯所管莊村自官屯至黃家寨共十一處

府君寺所管莊村自府君寺至馬家寨共二十一處

陳橋集所管莊村自陳橋集至康家寨共二十二處

以上在鄉

祥符縣志

卷九

建置坊表

五三

坊表

坊

建坊自元朝始今失考惟從明擴入

前明所建各坊

太和元氣坊在舊府學前

攀龍鱗附鳳翼左右二坊在今府學東西門

德配天地道冠古今左右二坊在舊府學東西路

雲路坊在舊府學前

金聲玉振坊在舊縣學前

騰蛟起鳳左右二坊在舊縣學東西路

居仁由義左右二坊在今遊梁祠東西路



東嶽廟坊在舊塌坊街

虞門四闢周俊同登左右二坊在舊貢院前

中原重鎮坊在舊督撫軍門前

撫綏中夏整肅兩河左右二坊在舊督撫軍門東西

轅門

振綱肅紀激濁揚清左右二坊在舊南察院東西門轅

方岳坊在舊布政司前

總憲坊在舊按察司前

振興文教樂育人材左右二坊在舊督學道東西門轅

承流宣化左右二坊在舊開封府前

祥符縣志

卷九 建置坊表

五

節用愛人左右二坊在舊祥符縣前

大宗政坊為宗正朱睦擇立在舊徐府街

世承帝眷坊為宗副朱林山立在舊六府前

沈邱府左右二坊在舊七府前

東社學坊在舊鑛匠口

西社學坊在舊上雒府前

都使司專闢坊在舊大隅首西

碩輔坊為郭朴立在舊大隅首西

鼎甲坊為劉里順王教馬之騏何瑞徵邢一鳳立在

舊祥符縣前



三世恩榮戶部尚書坊爲張孟男立在舊草三亭南  
黃閣調元坊爲高拱立在舊大隅首西

卿相世家坊爲許進立在舊鐘樓街

元魁坊爲曹金孟澤立在舊御史街東

恩榮三世坊爲曹金立在舊大隅首西

少司馬坊爲曹金立在舊大隅首西

刑部尚書坊爲劉氏父子立失名在舊宋子橋

恩榮五世聖朝曠典左右二坊爲楊時甯立在舊大

瓜隅首

四世宮保坊爲劉昌立在舊土街北

祥符縣志

卷九

建置坊表

五

九列名卿畿輔文宗左右二坊爲楊四知立在舊觀

音堂街

三鳳坊爲楊時譽時甯時馨立在舊小瓜隅首

青瑣近臣坊爲李貴和立在舊板廠街

柱史坊爲王霖立在舊大店街東

中原麟鳳坊爲田一麟一鳳立在舊觀音堂街

諫議坊爲高節立在舊鶉鴒市

兄弟父子進士給諫銓部軍門坊爲張有德同德元

佐立在舊寺橋前

柱史坊爲朱光宇立在舊大隅首西



壽世疏榮坊爲張國紀立在舊大隅首西

楊太保里坊失名在舊楊家湖

節孝兩全忠孝賢明二坊失名在舊藩府前

祖孫父子兄弟進士坊爲王惟儉立在舊御史街

諫議坊爲和震立在舊大紙坊街

部郎二門坊爲李世德立在舊大紙坊街

兄弟進士坊爲高仲嗣叔嗣立在舊內鄉府街

世忠坊爲馬氏父子祖孫立失名在舊大紙坊街

萬古綱常坊爲許氏立失名在舊旗纛街

孝烈坊爲宗侯勤鯁宜人谷氏立在舊御史街

祥符縣志



卷九

建置坊表

五

貞節坊爲劉夢丙妻趙氏立在舊鶉鴿市東

以上各坊惟四世宮保劉昌坊存餘俱圯

國朝所建各坊

萬壽無疆拱嶽帶河坊在今老府門北街

尊無二上惟聖則天坊在今萬壽宮門內

聖域賢關左右二坊在今府學東西門

德配天地道冠古今左右二坊在今府學東西路

仰聖興賢左右二坊在今縣學東西門

王道正直坊在今糧儲道東轅門北

生靈保障坊在今府城隍廟前



勅建將軍廟坊在今將軍廟前

中邦福地梁苑香林坊在今相國寺門

威臨海甸日麗天中坊在今武廟東西路

明經取士爲國求賢坊在今貢院東西路

夏書底績漢使行河坊在今總河行臺東西轅門

兩河士表中岳文宗坊在今提督學院東西轅門

中天柱石上國屏垣坊在今巡撫東西轅門

藩宣方岳屏翰荆河坊在今布政司東西路

政通南紀禁肅中邦坊在今按察司東西路

轉輸全豫旬宣兩河坊在今糧儲道東西路

祥符縣志

卷九

建置坊表

七

瀾澄星海政肅霜臺坊在今河道東西轅門

綱維南豫領袖中州坊在今開封府東西路

包嚴歐寬坊在今開封府東西轅門

明刑監郡肅伍安良坊在今理事廳東西路

分旄制闕左右二坊在今城守營東西轅門

王公祠坊爲王日藻立在今南門外東路

郎公祠坊爲郎永清立在今南門外西路

李公祠坊爲李輝祖立在今南鄉小茶菴

百歲坊爲耆民李文臻立在今城西青谷堆

烈女坊爲于天祥未婚妻立在今南門大街



節孝坊爲劉逢源妻薛氏立在今鼓樓東街

節孝坊爲賀聖貞妻朱氏立在今鼓樓南街

節孝坊爲張永禔妻王氏立在今館驛街東

節孝坊爲邵士華妻吳氏立在今舊棚場街

節孝坊爲宋璜妻陳氏立在今陳橋鎮

節孝坊爲趙煥妻許氏立在今北門外

節孝坊爲孫貴顯妻李氏立在今東鄉薄酒店

節孝坊爲張某妻孫氏立在今東鄉劉家集

烈女坊爲郭行襄女樸姐立在今北鄉杏河頭

烈女坊爲田登路未婚妻張氏立在今王盧集

祥符縣志

卷九

建置  
市集

五

餘例應建坊而未建者俱未入現自王公祠以下均淤

市集

市

有以市名者曰猪兒市曰西關牛馬市曰西門雜糧

市曰南門雜糧市曰曹門雜糧市曰北門雜糧市

曰宋門棉花市曰曹門花線市

集

有以集名者曰埽頭集曰薄酒店集曰杜家寨集曰

獨樂埽集曰南神埽集曰興隆集曰太平埽集曰

赤倉集曰萬隆埽集曰小高廟集曰谷家莊集曰



蘇村集曰高家樓集曰曹家寨集曰瓦子坡集曰  
邢家堂集曰雙河舖集曰王府寨集曰五塚集曰  
祥符營集曰八角店集曰汴河堤集曰安頭寺集  
曰開店集曰水坡集曰張莊集曰永安集曰南岩  
集曰尙陽集曰劉家集曰八里溝集曰周里塚集  
曰陶家店集曰許家寨集曰隆興集曰曹家莊集  
曰新城集曰招討營集曰程家寨集曰丁家莊集  
曰馬頭集曰陳橋集曰魯塚集曰太和集曰曹塚  
集曰黃陵集曰清河集曰平邱集曰李興集曰魚  
里集曰婁堤集曰北頂集曰新店集曰董家堤集

祥符縣志

卷九

建置  
市集

五

朱仙鎮天下四大鎮之一也食貨富於南而輸於北  
由廣東佛山鎮至湖廣漢口鎮則不止廣東一路  
矣由湖廣漢口鎮至河南朱仙鎮則又不止湖廣  
一路矣朱仙鎮最爲繁夥江西景德鎮則窑器居  
多耳考朱仙鎮相傳戰國朱亥故里亥舊居仙人  
莊因名

行貨

有搖小鼓兩旁自擊賣簪珥女笄胭脂胡粉之屬者  
有鱗砌鐵葉進退有聲磨鏡洗剪刀者有搖郎當  
賣綵線繡金者有小旗招颺携巾箱賣零星繪帛



者有闍闔拆聲執杓賣油者有拍小銅鈹賣豆末者有驅驢輓小車賣蒸羊者有煮豆入酒肆撒豆胡床以求賣者有挑賣團圓餅薄夜即饅頭牢丸即湯圓畢羅即磨磨寒具即餛飩蕭家餛飩庖家粽子如古人食品之妙者有肩挑賣各種瓜菓菜者有入夜擊小鈹賣餠者有懸便面於擔易新者有求殘金箋扇等器鎔出金者有買肆中櫃底土及掏市溝刷街泥以搜遺錢銀屑者又有攢花於筐燦然錦色賣與人種植者往來梭織莫可殫紀

居貨

祥符縣志

卷九

建置市集

卒

市糴穀米曰坊子舊在宋曹二門州橋及京山府前柘城府前今在東西南北四門及縣前街有糴賤而販貴者謂之熬價有左買而右賣者謂之倒堆又有窮兒窶婦持帚傍伺得其狼戾之粒者謂之掃雜子

布帛店舊在西大街鐘樓東鼓樓北及大隅首東西街今多在布政司街

巾帕店舊在鐘樓東今多在老府門西及北三聖廟街冠帶店舊在布政司街今多在南京巷及鐵匠口珠翠店舊在城隍廟會今多在布政司大街



履襪店舊在大紙坊街及半截街今多在土街

藥店舊在小山貨店今多在布政司大街

聚頭扇店舊在山貨店今多在布政司大街

筆店舊在開封府東今多在錠匠口南及北書店街

古書畫店舊在城隍廟會今多在土街及南書店街

銅錫器店舊在城隍廟街今多在打銅巷及老府門

箱櫃店舊在布政司街今多在老府門南及河道街

香店舊在鼓樓西及西華門南今多在各大街

紙店舊在山貨店今多在土街及書店街

洋布洋貨店今在東西大街及南北土街

祥符縣志

卷九

建置  
市集

三

舊衣店舊在大隅首東西今多在徐府街及河道街

裘褐店舊在半截街今多在魚市口北東西大街

陶器店舊在城隍廟會今多在老府門大街

古樽彝店舊在城隍廟會今多在土街及書店街

弓矢店舊在弓箭街今多在老府門北

閨裳店舊在城隍廟前今多在老府門東大街

雜器店舊在小山貨店北街今多在老府門大街

海味店今多在東西大街及河道街

鱉魚店舊在南門內今多在五府街

饌食店今多在河道街及北土街



肉食店舊在五隅今多在魚市口

油店今多在魚市口及各大街

瓜市舊在西土城及東南門外今多在各大街

酒肆舊在五隅今多在各大街

茶肆舊在茶食王角今多在官廨前及街巷口



